

SCRIPT OF MORNING GOJRI NEWS BULLETIN 29SEP 1015 HRS

مارننگ گو جری نیوز بلیٹن مورخہ 29 ستمبر 2025

یوہ آکا شوانی جموں ہے عبدالرحمان تیں خبر سُنو۔

ASIA CUP CRICKET

ایشیاء کپ کرکٹ غا فائنل کھیڈ مقابلہ مانہہ بھارتیہ کرکٹ ٹیم نے پاکستانی کرکٹ ٹیم نانہہ 5 وکٹاں تیں شکست دے غے 9 ووں ایشیا کپ کرکٹ مقابلو اپنئے نام کرلیو دبئی بین العوامی کرکٹ میدان مانہہ منعقدہ بویا اس کھیڈ مقابلہ مانہہ بھارتیہ ٹیم غی طرفوں تلک ورما نے بہترین کارکردگی غو مظاہرہ کیو اس سیریز مانہہ بھارت نے پاکستان کرکٹ ٹیمیں بشکار 3 مقابلہ منعقد بویا تے تمام مقابلان مانہہ بھارتیہ ٹیم نے پاکستانی کرکٹ ٹیم نانہہ شکست دتی صدر جمہوریہ درویدی مرمو نے بھارتیہ کرکٹ ٹیم نانہہ اس شاندار کامیابی ور مبارک باد پیش کی ہے تے آئندہ وسے وی نیک خواہشات غو اظہار کیو ہے وزیر اعظم نریندر مودی نے بھارت پاکستان ایشیاء کپ فائنل کرکٹ مقابلہ نانہہ آپریشن سندور نال تشبیہ دیتا واں کہیو کہ نتیجہ وے ہی ریتا تے بھارت نے شاندار فتح حاصل کی۔

LG INVESTORS MEET

لیفٹیننٹ گورنر منوج سنہا نے بسولی کٹھوعہ مانہہ صنعت و حرفت تے آئی سی آئی سی آئی بینک غ طرفوں سانجے طور منعقد سرمایہ کاراں گی میٹنگ نال خطاب کیو اپنا کلیدی خطبہ غے دوران ایل جی موصوف نے کہیو کہ تعمیری ڈھانچہ غی ترقی تے سرمایہ کار دوستانہ منصوباں نال جموں کشمیر غے اندر بڑی تبدیلی آئی ہیں تے شمالی بھارت غو یوہ علاقو سرمایہ کاری غا بہترین مرکز غا طور ور ابھر غے سامنے آيو ہے۔ مرکزی سرکار غا وعداں غو ذکر کرتا واں ایل جی موصوف نے کہیو کہ معاشی ترقی تے روزگار تے آمدنی خاطر صنعتاں غو کردار پرو اہم ہے تے اس طرز غی کوشش کی جارہی ہیں جن نال مرکزی سیکٹر اسکیم جموں کشمیر غے اندر صنعتاں غی ترقی نانہہ مزید تیز کریں۔

LG BASOHLI

لیفٹیننٹ گورنر منوج سنہا نے گزشتہ روز جموں کشمیر اکیڈمی برائے فن ثقافت تے زبان خطائی انتظامیہ جموں تے اندرا گاندھی قومی مرکز برائے فن غی طرفوں منعقد بسولی اُتسو گو افتتاح کیو بسولی کٹھوعہ مانہہ منعقد اس تقریب غے دوران بولتاں مانہہ ایل جی موصوف نے بسولی اُتسو نانہہ فن ثقافت تے روایت غا مہا کُنبہ غے طور تشبیہ دتی تے کہیو کہ یاہ تقریب اس گل نانہہ یاد کراوے کہ سماج غا تمام طبقہ بھارتیہ ثقافت غا بہترین نمونہ ہیں انہاں نے مزید کہیو کہ بھارتیہ معاشی ترقی تے ملک غو روایتی فن و ثقافت پوری دنیا غے اندر پزیرائی حاصل کر رہیو ہے اس موقعہ ور ایل جی موصوف نے 5 کتاباں غو اجراء وی کیو جن مانہہ لوک مین رام، رامائین کی ستری گھتاہ، رام گا کھر، رام کی سنجونی تے ٹرانسپوٹس آف رامائین شامل ہیں۔

SEVA PARV GATISHAKTI

سیوا پرو تقریبات غا سلسلہ مانہہ اج گل کی جے غی کہ کس طرح مودی سرکار نے پی ایم گتی شکتی قومی ماسٹر منصوبہ غیتحت تعمیرى ڈھانچہ غی ترقی مانہہ انقلاب پیداکیو پی ایم گتی شکتی اقدام بھارتیہ ترقی غا نظریہ نانہہ حقیقت مانہہ بدل رہیو ہے پہلی بار 57 وزراء 36 ریاستاں تے مرکزی زیر انتظام علاقہ ایک ڈیجیٹل پلیٹ فارم ور کام کر رہیا ہیں۔

GST FOOD ITEMS

جی ایس ٹی 2 عشریہ صفر غے تحت بزا بریڈ کھا کھرا تے چپاتی ٹیکس مفت کردتی گئی ہیں پہلاں ان اشیاء ور 5 فی صد ٹیکس لگے تھو اسے طرح پرانٹھا تے پروٹا ور پہلاں 18 فی صد جی ایس ٹی لگے تھو لیکن نوا ٹیکس غے تحت ان اشیاء ور وی ٹیکس ختم کردتو گیو ہے۔ ٹیکس نظام مانہہ یاہ تبدیلی عام آدمی نانہہ کافی راحت دے غی تے اخراجات کٹیں غا اس غے نال ہی سرکار نے ساس تے اسے طرز غی دوجی اشیاء ور ٹیکس 12 فی صد تیں کٹا غے 5 فی صد کیو ہے۔

ECI OBSERVERS

بھارتیہ انتخابی کمیشن بہار مانہہ ہورہیا انتخابات غے نال نال جموں کشمیر غا نگرۓ تے بڈگام انتخابی حلقہ مانہہ وی انتخابات گو اعلان کرسکے گزشتہ روز جاری ایک بیان مانہہ انتخابی باڈی نے جموں کشمیر اسمبلی غی 2 خالی اسامیاں خاطر نگرۓ تے بڈگام انتخابی حلقہ غے اندر ابزور تعینات کیا ہیں تے یوہ قدم ان مزکورہ حلقاں غے اندر انتخابات کرایا جان گو اشارو دے ای سی آئی نے 470 افسران نابہ ان حلقاں غے اندر انتخابات وستے تعینات کرن غو فیصلو لیو ہے جہڑا اس وقت دیگر ریاستاں غے اندر مرکزی ابزور غا طور ور اپنی خدمات انجام دے رہیا ہیں۔

PROG ANN

PROG ANN

آکاش وانی جموں گو علاقائی خبراں آلو شعبو، اک خصوصی مباحثہ ور پروگرام نشرے غا خاتمہ A گو، جہڑو 25 منٹاں غو وے گو۔ اس پروگرام گو موضوع ہے۔ ”دفعہ 370 تے 35 تیں بعد جموں صوبہ مانہہ صحت غا ڈھانچہ تے سہولت مانہہ تبدیلی۔ یوہ پروگرام ”سیوا پرو 2025 گی تقریبات گاسلسلہ مانہہ منایو جارہیو ہے۔ جہڑو 15 ستمبر تیں جاری ہے۔ یوہ پروگرام 29 ستمبر 2025 نانہہ تہاڑی گا 12 بجے نشر کیو جے گو۔ اس پروگرام مانہہ مہارا مہمان وین گاڈاکٹرو کاس پادھا جہڑا نرانا اسپتال کٹرا مانہہ بڈیاں غا امراض غا ماہر ہیں۔ اس پروگرام گی میزبانی کریں غا مہارا اینکر شروتی کھجوریہ تے کنال سری واستوا۔
